



**KOMISIONI QENDROR I ZGJEDHJEVE**  
**KOMISIONERI SHTETËROR I ZGJEDHJEVE**

**Drejtoria e Ligjshmërisë**

Data	18.7.2024
Nr. Prot	2049

**RELACION**  
**PËR**  
**PROJEKTVENDIMIN**  
**PËR**  
**MIRATIMIN E DISA KARAKTERISTIKAVE TEKNIKE TË FLETËS SË VOTIMIT, PËR**  
**ZGJEDHJET E PJESSHME PËR KRYETAR TË BASHKISË HIMARË TË DATËS 4**  
**GUSHT 2024**

**I. VLERËSIMI I LIGJSHMËRISË DHE HARMONIZIMI ME LEGJISLACIONIN NË FUQI**

Bazuar në nenin 20, pika 1, shkronja “g”, dhe 3 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, Komisioni Rregullator ka kompetencën për të shqyrtuar dhe miratuar projektaktet me karakter normativ, të përgatitura nga administrata e KQZ-së ose nga anëtarët e tij, për rregullat për furnizimin dhe administrimin e materialit zgjedhor.

Referuar nenit 98, pika 1 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, është parashikuar kompetenca e KQZ-së për përgatitjen e fletëve të votimit, të cilat duhet të jenë prej letre, me ngjyrë, trashësi ose elemente konfigurimi të tilla që të mos lejojnë leximin e votës në pjesën e pasme të saj, si dhe të përmbajnë elemente sigurie, sipas përcaktimeve me akt normativ të KQZ-së.

Në zbatim të dispozitës së sipërcituar, administrata e KQZ-së ka hartuar projektvendimin “Për miratimin e disa karakteristikave teknike të fletës së votimit, për zgjedhjet e pjesshme për Kryetar të Bashkisë Himarë të datës 4 gusht 2024”.

**II. PËRMBLEDHJE SHPJEGUESE E PËRMBAJTJES SË PROJEKTVENDIMIT**

Neni 97, pika 2, e Kodit Zgjedhor përcakton se, për zgjedhjet për organet e qeverisjes vendore zgjedhësi voton me dy fletë votimi me formë të njëjtë dhe me ngjyra të ndryshme, një për kryetarin e njësisë së qeverisjes vendore dhe një për këshillin e bashkisë.

Në kushtet kur zgjedhjet e pjesshme do të zhvillohen vetëm për Kryetarin e Bashkisë Himarë, edhe projektvendimi i referohet karakteristikave të fletës së votimit për Kryetarin e Bashkisë.

Pika 3/1 e këtij neni përcakton se ngjyra e fletës së votimit në zgjedhjet e qeverisjes vendore është e njëjtë në të dyja anët e saj.

Përveç elementeve të sigurisë së letrës, fleta e votimit do të përmbajë dhe disa elementë teknikë në formën e kodeve që identifikojnë zonën zgjedhore, qendrën e votimit si dhe elementë të tjerë identifikues që nuk lexohen me sy të lirë (barcode).

Elementët e sigurisë dhe elementët teknikë janë të përcaktuara në mënyrë të detajuar në lidhjen nr. 1 që i bashkëlidhet projektvendimit.

Komisioni Rregullator nuk mund të shprehet në mënyrë shteruese për dimensionet e fletëve të votimit, e për këtë arsye propozohet që me këtë vendim të miratohen dimensionet minimale të tyre. Në tekstin e projektvendimit është përcaktuar se përmasat e fletës së votimit mund të ndryshohen, në varësi të subjekteve zgjedhore që do të regjistrohen në zgjedhje brenda afatit ligjor.

Karakteristikat teknike të propozuara në këtë projektvendimi janë të njëjta me ato të miratuara me vendimin nr. 31, datë 29.8.2023, të Komisionit Rregullator, “Për miratimin e disa karakteristikave teknike të fletës së votimit për zgjedhjet e pjesshme për Kryetar të Bashkisë Kukës, të datës 24 shtator 2023”.

Konkretisht, propozohen karakteristikat si vijon:

Lloji i letrës: Letër me thurje (Watermark) jo më pak se 90gr/m<sup>2</sup> 100% pulp, me fibra karboni ultraviolet, 2 shtresa, me certifikatë origjine, me mikroprintime, elementë në printim që shikohet me rreze ultraviolet.

Dimensionet e fletës së votimit:

Gjerësia e fletës së votimit: jo më e vogël se 210 mm

Gjatësia e fletës së votimit: jo më e vogël se 297 mm

Orientimi i fletës së votimit: Portret

Specifikime të përgjithshme: Stema e Republikës, me ngjyra. Logo KQZ, me ngjyra.

Ngjyra e fletës së votimit: kodi i ngjyrës: PANTONE 7401 U

Barkodi (elementë të fshehur teknikë në formën e kodeve):

Numri serial: 7 shifra

Qarku: 2 shifra

Bashkia: 2 shifra

Zona e administrimit zgjedhor: 2 shifra

Numri i qendrës së votimit: 6 shifra dhe elementin ndarës “/” ndërmjet katër shifrave të para dhe dy shifrave të fundit

Elementë teknikë të lexueshëm në fletën e votimit: Zona Zgjedhore; Qendra e votimit

Për sa më lart në këtë relacion, Komisioneri Shtetëror i Zgjedhjeve, brenda kompetencave të veta dhe në respektim të detyrimeve e afateve ligjore të përcaktuara në ligjin nr. 10019, datë 29.12.2008, “Kodi Zgjedhor i Republikës së Shqipërisë”, i ndryshuar, vë në lëvizje Komisionin Rregullator dhe propozon për shqyrtim dhe miratim projektvendimin “Për miratimin e disa karakteristikave teknike të fletës së votimit, për zgjedhjet e pjesshme për Kryetar të Bashkisë Himarë të datës 4 gusht 2024”.

**Sekretar i Përgjithshëm**  
(në mungesë dhe me urdhër)

**Majlinda ÇELMETA**



REPUBLIKA E SHQIPËRISË  
KOMISIONI QENDROR I ZGJEDHJEVE  
KOMISIONI RREGULLATOR

Data: \_\_. \_\_. 2024

Nr:

Ora: \_\_: \_\_

**VENDIM**

**PËR**

**MIRATIMIN E DISA KARAKTERISTIKAVE TEKNIKE TË FLETËS SË VOTIMIT  
PËR ZGJEDHJET E PJESSHME PËR KRYETAR TË BASHKISË HIMARË, TË DATËS  
4 GUSHT 2024**

Në mbështetje të dekretit të Presidentit nr. 244, datë 5.7.2024, “Për caktimin e datës së zgjedhjeve për Kryetar të Bashkisë Himarë” dhe nenit 20 pika 1, shkronja “g”, nenit 97, pikat 2 e 3/1 dhe nenit 98 pika 1, të ligjit nr. 10019, datë 29.12.2008, “Kodi Zgjedhor i Republikës së Shqipërisë” të ndryshuar, me propozimin e Komisionerit Shtetëror të Zgjedhjeve, Komisioni Rregullator

**V E N D O S I:**

1. Miratimin e disa karakteristikave teknike të fletës së votimit për zgjedhjet e pjesshme për Kryetar të Bashkisë Himarë, të datës 4 Gusht 2024, sipas lidhjes nr. 1, që i bashkëlidhet këtij vendimi.
2. Në varësi të subjekteve zgjedhore që do të regjistrohen brenda afatit ligjor, mund të ndryshohen përmasat e fletës së votimit.
3. Ky vendim hyn në fuqi menjëherë dhe publikohet në faqen zyrtare të internetit të Komisionit Qendror të Zgjedhjeve.
4. Kundër këtij vendimi mund të bëhet ankim në Kolegjin Zgjedhor Gjyqësor pranë Gjykatës Administrative të Apelit Tiranë, brenda 5 (pesë) ditëve nga shpallja e tij.

**Ilirjana NANO**

**Kryetar**

**Arens ÇELA**

**Anëtar**

Kopje: 3

Afati i ruajtjes: 5 vjet

**Dritan ÇAKA**

**Anëtar**

Kompjuterizoi:

M. Koja \_\_\_\_\_

**Helga VUKAJ**

**Anëtar**

A. Lamçe \_\_\_\_\_

**Muharrem ÇAKAJ**

**Anëtar**

M. Çelmeta \_\_\_\_\_

Data: \_\_. \_\_. 2024 Nr:  
Ora:



“Për miratimin e disa karakteristikave teknike të fletës së votimit për zgjedhjet e pjesshme për Kryetar të Bashkisë Himarë, të datës 4 Gusht 2024”

**Disa karakteristika të fletës së votimit për kandidatët për Kryetar Bashkie për zgjedhjet e pjesshme për Kryetar të Bashkisë Himarë, të datës 4 Gusht 2024**

**Lloji i letrës:**

Letër methurje (Watermark) jo më pak se 90gr/m<sup>2</sup> 100% pulp, me fibra karboni ultraviolet, 2 shtresa, me certifikatë origjine, me mikroprintime, elementë në printim që shikohet me rreze ultraviolet.

**Dimensionet e fletës së votimit:**

Gjerësia e fletës së votimit jo më e vogël se 210 mm  
Gjatësia e fletës së votimit jo më e vogël se 297 mm

**Orientimi i fletës së votimit:**

Portret

**Specifikime të përgjithshme:**

Stema e Republikës, me ngjyra.

Logo KQZ, me ngjyra.

Ngjyra e fletës së votimit: kod i ngjyrës:

PANTONE 7401 U

**Barkodi (elementë të fshehur teknikë në formën e kodeve):**

- Numri serial 7 shifra
- Qarku 2 shifra
- Bashkia 2 shifra
- Zona e administrimit zgjedhor 2 shifra
- Numri i qendrës së votimit 6 shifra dhe elementin ndarës “/” ndërmjet katër shifrave të para dhe dy shifrave të fundit

**Elementë teknikë të lexueshëm në fletën e votimit**

Zona Zgjedhore

Qendra e votimit